

Alkitab Anggen Anak Alit

Ida Sang
Hyang Widi
Nguji
Kapitresnan
dane Abraham



Kasurat olih: Edward Hughes

Kaperagayang olih: Byron Unger; Lazarus
Alastair Paterson

Ka tempa saking: M. Maillot; Tammy S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2024 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.






Ring salah sinunggalin rahine
wengine Ida Sang Hyang Widi
ngicen titah ane tawah ring
dane Abraham. Titahe ento
satmaka ujian anggone
ningalin apeke dane Abraham
seken-seken nresnain okan

danene Ishak lebihan
teken tresnane ring
Ida Sang Hyang Widi.




“Jemak je pianak ceninge Ishak, lan aturang je iye minekadi aturan meborbor,” Titah Ida Sang Hyang Widi. Ngaturang Ishak? Nadiang aturan pianakne ane muani? Titah Ida Sang Hyang Widi ento pasti je tusing gampang kelaksanayang olih dane Abraham. Dane sayang pesan teken pianak danene.




Ditu dane Abraham melajah percaye ring Ida Sang Hyang Widi Wasa yadiastu dane tusing je ngresep ape sujatine maksud Ida Sang Hyang Widi. Di dinane ane nu semengan dane nyawisang dewek danene buat kemo ke

gununge ajake
dane Ishak lan
panjak-panjakne

ajake dadue.



Setondene dane Abraham lunge, dane nyibak-nyibak kayu ane lakar anggone morbor korban persembahane. Dane Abraham lakar melajah taat ring Ida Sang Hyang Widi.



Sesubane tigang rahine ipun sube
neked di sisin muncuk gununge.

“Nengil je dini malu,” Pangandikan dane tekenin
panjak-panjak danene. “Tiang lakar kemo
mebakti, tiang lakar buin teke mai.”
Dane Ishak negen kayu ane

lakar anggone saang,
lan dane Abraham
ngabe api lan tiuk
belati.



“Dijeke biri-birine ane lakar anggon korban bakaran ento?” Petakon dane Ishak. “Ida Sang Hyang Widi ane lakar nyediang biri-birine ento,” saut dane Abraham.



Ipun ajak dadue sube neked di tongose ane kepilih olih Ida Sang Hyang Widi Wasa. Di tongose ento dane Abraham ngae tongos pemorboran lan di duurne keisinin saang ane lakar anggone morbor aturan ane lakar keaturang ring Ida Sang Hyang Widi.




Dane Abraham sube liu pesan
ngae tongos pemorboran
dimasene ane sube lewat.
Sujatine ngewangun tongos
pemorborane ane nenenan
keraseyang paling berat buat
dane Abraham.



Dane Abraham negul dane Ishak okan
danene ane kesayangin tur ke tongosang di
duur tongos pemorborane. Apeke dane
Abraham seken taat ring Widine tur lakar
ngaturang okan danene ane tuah abesik tur
ane sanget pesan kesayangin?





Beneh pesan!
Rikale dane
Abraham ngisi tiuk
belatine ane
mangan, mirib atine
sedih pesan,
sakewala dane
uning dane patut
setinut ring Ida Sang
Hyang Widi.



"Behenti!" Baos malekate. "Ane jani Ulun sube nawang yening semeton seken-seken takut ring Ida Sang Hyang Widi. Semeton tusing perlu ngewaliang okan semetone ane tuah a besik ento ring Ida Sang Hyang Widi."




Dane
Abraham
jeg
saget

ningalin ade biri-biri muani di bêt-bete, dane
Abraham lantas ngelesang tali ane anggone
negul dane Ishak, tur ngaturang biri-biri ane
muani ento dadi caru. Miriban dane
Ishak mepineh kene, Ida Sang
Hyang Widi sane nyediang, patuh
teken ape ane kebaosang
teken ajin
tiange.




Rikale dane Abraham lan dane Ishak mebakti, malekat Ida Sang Hyang Widi ngandike ring dane Abraham. "Melarapan keturunan semetone makejang bangse ane ade di gumine lakar nampi mertan Ida Sang Hyang Widi, uli krane semeton ngidepang sabdan Widine." Di mani puane Ida Yesus pacang embas saking keturunan dane Abraham.




Dane Abraham lan Ishak mulih ke umahne. Sesubane makudang-kudang rahine, dane Sarah mati. Dane Abraham kehilangan sang istri lan dane Ishak kehilangan ibun nyane.



Sesubane dane Sarah
kuburange, dane Abraham
ngutus pemucuk pelayan danene
buat ngalih anak istri ane lakar dadi
rabin nyane dane Ishak.



Pelayane ento berangkat
kemo ke kampung
pengelekadane apange ia
ketemu anak istri a diri di lingkungan
keluargan dane Abraham.



Parekan dane Abraham ento ngestawa nunas tandé ring Ida Sang Hyang Widi. "Anak istri ane ngemang ngidih yeh inum buat unte-untene, anak istri ento ane ketetepang antuk Ida Sang Hyang minekadi rabin dane Ishak."



Ditu lantas Ribka teke ngemang iye ngidih yen inum. Anak istri ento pianak semeton dane Abraham. Parekan dane Abraham lantas nawang Ida Sang Hyang Widi Wasa nagingin pengestawane.



Dane Ribka lantasi ngalahin keluarga nyane ulikrane ia lakar nganten ajak dane Ishak. Dane lantasi dadi penghibur dane Ishak sesuban ibun nyane mati. Dane Ishak tresna pesan tekenin Ribka.



Ida Sang Hyang Widi Nguji Kapitresnan dane Abraham

Wenten katuturan carita saking pengandika Ida sang
Hyang widi mewasta Alkitab,


dados sobyahang ring

Purwakaning Dadi 22-24

"Pemargin saking pengandika Ida Ngicenin Karahayuan."

Mazmur 119:130






Puput



5



60



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

